



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.



QUÆSTIO MEDICA,

QUOD LIBETARIIS DISPUTATIONIBUS
manè discutienda, in Scholis Medicorum, die Jovis vigesima
quarta mensis Januarii, Anno Domini M. DCC. LXV.

TUSSANO-GILBERTO BOULLAND,
Consiliario Medico regis ordinario in ejus Castelleto,
Doctore Medico, Præsidente.

*An vis pulmonis, quoad sanguinis attritum, major sit, quàm cæterarum in eundem
effectum corporis partium conspiratio?*

I.



Ex alimentis chilus, ex chilo sanguis quem variis Physica, Ana-
tome & Chemia torfere modis, ut natura illius in propatulo
veniret, Ex hydraulicis, necnon hydraustaticis experimentis,
coccineum laticem partibus vario pondere donatis conflari
jactitarunt Physici: dum autem quantitas motûs corporis eâdem
vi propulsi est moli proportionalis, ratione habitâ motûs & gravitatis,
A

humorum diversam esse in variis locis secretionum mechanicam & indolem statuerunt Physiologi. Sua seorsim experimenta, Chemicis confirmata, in medium protulit Anatomia. His ultimis innixi sanguinem in prophylaxim plethoræ missum examini subjiciemus. Motu orbatus in concretum abit; serum utpotè levius concreto supernatat, parsque fibrosa & rubra fundum vasi petit. Serum ex aquâ, oleo, tenuique terra coalescit. Per attritum unâ miscentur illæ partes. Pars rubra inflammabilis est, & hâc parte ferro orbatâ, punctis contactus repetitis, sanguinei tunc adunantur globuli, massamque concretam referunt. Nunc, igne chymico mediante, cruorem perpendamus. Gradu 150 elicitur aqua insulsa, nullo acido prædita. Aquæ bullientis gradu, obtinetur similis latex. Experimenta in residuo peracta ne minimam quidem salis particulam denotant. Massa residua contrita, igne sensim sine sensu aucto distillata, oleosum liquorem, subalcalinum, postea sal album concreescens, collo retortæ parietibusque recipientis adhærens, tandem oleum flavum, oleum piceum, nigrum, nec nihil alcali volatilil, subministrat. In fundo retortæ massa superest nigerrima, levis, foetida, & vix salsa. Is est apud Boerhaavium chemicè exploratus sanguis, cujus confectionem è tenebris eruere allaborarunt Veteres. Etenim multi, Hippocratis vestigia prementes, chilum ex ventriculo ad lienem exportari volunt, dum alii, cum Galeno, chilum ex venis mesaraicis, deducunt in hepar. Illæ quidem venæ, (modò illis fides adhibeatur) sub album hunc-ce laticem jecori præparant, conferuntque quasi rudimentum sanguinis. Chilus venæ portarum limen salutans unâ cum cruore per venas hepatis diffunditur, & cum sint exilissimæ, in transitu hæret, variasque nescit moras. Tunc ob hanc moram, ob caloris loci beneficium & quamdam *contagionem*, quam jecori adscribebant Veteres, chilus jam levi colore rubro tinctus magis ac magis concoquitur, hepaticque assimilatur, dum pars sanguinis visceri supervacanea in venam cavam prolabitur. Alii, & de veteribus Chemicis loquor, *sanguinem ex sanguine fieri* (a). Sanguis, inquiunt, plurimis & dissimilibus principiis constat. Omnia illa principia cordis motu liberiora & activiora facta, in alia chili principia irruunt, intra pulmones vim majorem adepta ex elasticarum & nitrosarum aeris particularum unione chili particulas omnes fermentationis motu evolvunt, alias ab aliis expediunt, omnes alio ordine, situ alio disponunt, jamque chilus non amplius, sed sanguis fieri incipit. Ast illas opinionis autopsia falsi redarguit. Boerhaavius Neotericorumque agmen inter quos eminet Hallerus, face Lecuwenhockianâ prælucente, in adunatione plurium sphaerarum chili massularum hæmatosim reponunt. In pulmone densæ & rubræ sobolescunt sanguinis. moleculæ. Illa globulorum densitas inchoatur, chilo sanguini semel admixto. Particulæ adunatæ strictiori junguntur vinculo in arteriis, repercussionis vi mediante, quâ globuli globalis colliduntur. Per illam collisionem multoties repetitam inter se connubium inire amant, adhæsioneque factâ in globulos majores figurantur. Sed sit post Boerhaavium,

(a) Vide
Thes. propug.
an. 1695.

Hallero reclamante , in pulmone magis. In illa enim parte longè major fit attritus, ex quo calor sanguini additur, dum ille *compingitur*, *densatur*, *mutatur in contactu particularum*. Huic- ce sententiæ hodiè assentiuntur plurimi, de quâ tamen dubitare licet, cum in hâc opinione ponatur, quasi *demonstratum* & axioma, à ventriculo cordis antico majorem coccineo latici impulsione communicari: cui quidem opinioni audemus reluctari, pace illustissimi Boerhaavii, qui semper in omnibus aliis rebus, veluti amicum fidus, nobis præbuit: atque ut pateat dubitandi ratio nostra, naturam fluidorum, leges quas hic patitur attritus, institutâ inter pulmonis actionem *relativè* ad hunc attritum quem supponunt, & cæterarum corporis partium vim, comparatione, expendamus.

I I.

JUXTA varias & infinitè inter se diversas motiones aguntur corporum partes: indè omnimodæ materiæ divisiones, partium illius figuræ, magnitudines, coalitus, &c. molculæ corpora componentes, semel dissociatæ, figuram aut conicam, aut ovatam, rotundamve &c. commonstrant. Fluidorum diversitas à tenuitate partium, configuratione, & à motu magis vel minus vehementi, ortum ducit: aqua, verbi gratiâ, est corpus fluidum, terra solidum. Si terræ immisceatur aqua, partes, ex quibus conflatur, terra, protinus mechanicè dividuntur, & motu desinente, jam non fluidum nec solidum, sed potius concretum efficiunt illa corpora: undè imperfecta nuncupantur illa fluida, & in hâc classe annumerari potest sanguis qui, arteriis feriantibus, in corpus concretum mox abit. Humor ille coccineus ut obiret vitæ munia quemdam fluiditatis gradum efflagitabat: ei suppeditat attritus; per attritum autem intelligitur illa actio quâ, molculæ chilosæ ita scinduntur, dividuntur & attenuantur vi vasorum, necnon partium ambientium, ut non solum capillarium vasorum mæandros permeare, sed etiam mutuos in amplexus ruentes colorem rubrum induere queant. Quænam verò sunt leges quibus subjicitur ille attritus? Ut solvatur quæstio, attendendum est

- 1°. ad duas determinaciones vis impulsivæ, id est cordis; una versùs pulmones, altera ad aortam tendit;
- 2°. ad velocitatem fluidi motum habentis, quæ quidem velocitas generatim *est ratio spatii emensi ad tempus in illo emetiendo assumptum*; undè fit ut temporibus æqualibus, velocitates sint ut emensa spatia;
- 3°. ad quantitatem motûs fluidi, quæ est ratione habitâ molis & velocitatis;
- 4°. ad vasorum elasticitatem ex quâ pendet major vel minor reactio in fluidum contentum;
- 5°. ad superficiem in ratione cujus est attritus;
- 6°. ad seriem ferè innumeram vasorum capillarium in quibus precipuè vires exerit illa actio;
- 7°. ad vires sanguinem everberantes;
- 8°. ad compressionem partium vasis incumbentem, undè reactioni vasorum additur vis;
- 9°. ad motum partium;
- 10°. ad texturam earundem partium, quarum major vel minor densitas auget vel minuit attritum;
- 11°. ad diametros vasorum in quibus attritus

est pro earum ratione inversâ; 12^o. ad actionem corporis in aliud corpus quæ proportionalis est vi corporis alteri corpori motum communicantis. Has leges patitur attritus de quo agitur, quidquid objiciant adversarii. Principiis his-ce positis, quantum valeat pulmo ad attritum sanguinis ratione habitâ ad actionem aliarum corporis partium, perlustramus. Ideò, superficiem & *soliditatem* pulmonum, superficiei *soliditatisque* cæterarum corporis partium, mollitiem visceris pneumonici, muscutorum texturæ firmiori, æquiparamus.

I I I.

TOTAM pulmonum substantiam partim constituit innumerarum coag-
mentatio vesicularum. Variis figuris donantur illæ vesiculæ, ut, inspira-
tionis tempore, nullum inter illarum parietes adsit interstitium. Quadruplici
vaforum genere gaudet pulmo, nempe bronchialium, lymphaticorum, sangui-
ferorum & nerveorum. Vasa sanguinea ex arteriâ pulmonali enata, foliâ
ad instar hederacei, superficiem vesicularum circumcumbunt. In duas partes
dividitur illud viscus; quarum una dextra, altera verò sinistra. Illæ partes
nuncupantur lobi majores, qui iterum in plures alios dividuntur. A parte
exteriori & posteriori convexi, ab interiori & anteriori inæqualitèr compla-
nantur. Porro si superficie planâ interjungantur pulmones, cono parte superiori
secto, cujus basis inferior planum inclinatum oculis subjiciet, comparari po-
terunt, parsque corporis è claviculis ad pelvim inclusivè sumpta, cylindro
cujus altitudo erit linea perpendicularis è parte superiori primæ partis sterni
ad articulationem coccigis deducta. Ut autem conî truncati convexæ superficiei
computatio obtineatur, linea media proportionalis Arithmetica inter peri-
metrum basis superioris & basis inferioris quærenda est. Supponamus ergo à su-
pernâ conî truncati basi 9 pollices circumferentiæ adæquari, infernâ verò 29,
addendo 9 ad 29, mediamque summam sumendo, tunc linea media proportio-
nalis arithmetica = 19 pollices, circumferentiam ejusdem conî truncati hori-
zontaliter secti in mediâ parte lateralis altitudinis, sive *Apothematis*, indicantes.
Nunc pro certo teneamus lateralem conî altitudinem = 15 pollicibus, 15×19 ,
285 producto suppeditabit. At basis inferior planum inclinatum exhibet: igitur
productum 285 superficiei convexæ extensionem excedet, superficiei basium,
de quâ modò ageitur, omissâ. Basis superior 9, inferior vero = 29 pol-
licibus. Perimetrum circuli est ad diametrum ipsiusmet circuli ut 7. 22. Quâ-
propter radii mediam partem = 9 lineas sumendo, (9 pollicibus ad lineas
reductis); tunc 108 lineæ = 9 pollicibus $\times 9 = 972$ lineas quadratas
seu = 6 pollicibus quadratis $+ \frac{3}{4}$, superficiei basis superioris. Circumferen-
tia basis inferioris = 29 pol.; at 29 pol. = 348 lineis. Igitur $348 \times$
 $27 + \frac{1}{2}$ lineas mediam partem radii denotantes, productum erit 9633 lineæ
quad. = 66. pol. quad. $+ \frac{1}{6}$, basis inferioris superficiem.

5

Soliditatem pulmonis nunc perscrutemur. Altitudo coni suppositi propriè dicta, seu axis, = 13 pollices $+\frac{1}{2}$, basis superioris superficies 6 pol. quad. $+\frac{1}{4}$, inferioris 66 $+\frac{1}{6}$. Geometrarum igitur methodum tenendo soliditas pulmonum = 493 pollicibus cubicis $+\frac{1}{6}$.

Superficies & *soliditates* aliarum corporis partium nobis inquirendæ restant. Partem corporis è claviculis ad inferiorem ossis sacri extremitatem desumptam, cylindro parumpèr complanato, cuius altitudo 26, basisque perimetrum = 36 pollicibus, assimilabimus. Cylindri convexa superficies productum basis per altitudinem adæquat. Ergo $26 \times 36 = 936$ pol. quad. Bases seorsim sumptæ = 108 pol: quâpropter si superficiei convexæ addantur basium superficies, totalis cylindri superficies = 1152 pol. quad. Sed cylindri *soliditas* altitudinis suæ productum per basis superficiem æquat, & cum nostræ computationes ut falsæ haberi possent respectu ossium, necnon vacui in hoc-cylindro reperti, pulmonibus præsertim amotis, cum denique musculosa moles tertiam corporis ponderis partem efficit, quod 160 libras adæquat, quotiens 53 libras $+$ 4 uncias subministrans, libris 15 circiter deductis thoracem abdomenque cingentibus, sat superque compensabit quod computationi nostræ deficeret. Porro basis cylindri superficies = 108 pol. Igitur $108 \times 26 = 2808$ pol. cub.; ac proindè soliditas pulmonum erit ad soliditatem partium corporis muscularium, ut 493 $+\frac{1}{6}$ 2808, id est soliditas partium corporis erit sexies major. At collisus sanguinis est ratione habitâ superficierum, attritus in ratione compositâ amborum: quâpropter in illis partibus si attritus sanguinis non sit major, saltem esse æqualem, ac in pulmonibus, conjicere est, quamvis vesiculæ sint innumerae, motuque alterno gaudeant pulmones. Etenim si tantulum attendatur quod ex infinitis numero fibris consistit musculus, singula verò fibræ suis donentur vasis, tum arterialibus, tum venosis; illorum numerus vasorum in infinitum protendetur: insupèr motum noscunt illæ fibræ; unde perpendendum nobis incumbit quid in sanguinem possit motus muscularis. Nemo nescit quantum valeant muscoli in contractionem abeuntes, qualinisu attollant pondus quodcumque. At verò nifus ille refunditur in infinitatem vesicularum quibus intertextuntur muscoli: aliundè in omnem sensum fertur in parte contractâ. Ergo necessum est ut sanguis fibras musculares permeans, vasis incumbente vi muscutorum contractili, ingentem attritum experiatur: præterea apud Physicos solemne est eam esse fluidorum naturam ut juxta lineam perpendicularem premant ad superficiem cui insistant, similiter & vasorum, cruore adventitio, explicatorum reactio, & actio muscutorum in nifus contractili juxta eandem lineam dirigitur. Sanguis igitur in actione musculari duabus potentiis coarctatus de novo atteretur. Sed in contractione pallent muscoli. Hinc ex eâ vi quâ coccinei laticis quantitas unicuique musculo insita foràs amandabitur, iterum everberabitur ille.

Duæ in pulmonibus & gënuinæ attritus causæ ex alterno illorum motu deductæ admittuntur. Sed à priori, scilicet ab eâ quæ ex inspiratione fluit, sanguis viscerum in abdomine coacervatorum, atteritur. Attritus humoris coccinei hæc ce partes irrorans fit 1°. per reactionem arteriarum in fluidum à quo sunt distentæ; 2°. per explicationem quæ pulmonibus, instante inspiratione, supervenit, quam quidem explicationem pulmones consequi nequeunt, quin, ut ita dicam, proterantur viscera, proindèque comprimantur: undè fit evidentèr ut attritus ad illarum partium cruorem novus accedat gradus. Indè patet plures esse causas quarum concursu, in aliis corporis partibus deprehenditur sanguinis attritus; quæ quidem causæ ad quatuor revocantur, nempe 1°. ad superficiem & soliditatem earumdem partium pulmonis volumen superantium; 2°. ad musculorum actionem; 3°. ad viscerum, inspirationis motu, compressionem potius è diaphragmatis contractione, quam pulmonum expansione enatam; 4°. denique ad numerum arteriarum longè frequentiorum in aliis corporis partibus desumptum. Quod evidentibus patebit argumentis, ubi de cordis sinubus, variisque illorum roboris gradibus actum fuerit, diametrumque arteriæ pulmonalis cum aortæ diametro, divisiones prioris cum posterioris divisionibus contulerimus. Quod priusquam aggrediamur, brevem cordis adumbrationem præmittamus.

I V.

COR est musculus turbinatus, cujus basis ab alto obliquè pendet. Si basi suâ innitatur, tantisper inclinatam porrigit cuspidem. Quapropter triangulo, cujus latera sunt inæqualia, optimè compari potest illud viscus. Quibus componitur, fibræ, multiplici varioque tractu deductæ, oculis non stupendum mînis, quàm elegans spectaculum exhibent. In duas partes musculari sepimento, *septi medii* nomine, scinditur, indèque duæ veluti cavernulæ, ventriculi dictæ; atque ex his binæ sobolescunt arteriæ, pulmonalis scilicet & aorta, inter se diametro æquales. Sinuum cordis parietes externi crassitudine sunt inæquales, & lacertuli quos uterque sibi vindicat, non cruorem solum dividunt atque attenuant, verùm etiam vi addunt quâ cor assiduo systoles motu fluidum coccineum emittit, diu nimirum trahunt ad sese, & ad septum medium cordis thalamorum parietes. Sed paries externus posterioris, pariete anterioris spissior est. Vis igitur quâ agit ille, ventriculi anterioris potentia præcellet. Denique ad ipsammet cordis basim duæ, veluti appendices, coherent auriculæ cavernulâ suâ munitæ, quarum una venæ cavæ, altera sanguinem venarum pulmonalium recipit. Jam ex anatomicâ illâ cordis descriptione nonnulla in opinionis nostræ gratiam deduci possunt argumenta.

Triangulum *scalenum* exhibet cor. Jam verò ex sesquitertiâ basis parte, respectu anguli acutissimi, si ducatur linea perpendicularis, linea illa

non ad apicem trianguli terminabitur, sed ad latus longissimum, quod quidem thalami dextri parietem denotat, dum duæ basîs partes inter trianguli latera & perpendicularem positæ, singuli cordis thalami latitudinem designant. Dexter lævo amplior habebitur, sed illa amplitudinis exsuperantia, eo fit, quòd hic altero sit, 1^o. profundus magis, 2^o. *septum medium* curvam efficit, cujus pars convexa ad anticum ventriculum, concava verò ad posticum vergit. Undè sinuum cordis æqualitatem concludere fas est. Porro annotavimus quod ventriculi lævi paries crassior, quæ quidem crassitudo si per numerum 2 exprimatur, tunc vis quâ in nîsus contractiles abibit ille ventriculus, bis major erit dextri potentiâ, & vis illa adhuc augebitur per contractionem lacertulorum lacertulis sinûs anterioris densiorum. Erunt igitur duæ causæ insupèr agentes, quarum concursus major sanguinis velocitas, vi expellenti proportionalis, in aortam influentis oritur. At norunt omnes motûs quantitatem in corpore quocumque esse pro duplici massæ & velocitatis ratione; itaque cum æquales sint sanguinis quantitates in utroque ventriculo reconditæ, fluet vehementius cruor in aortam quàm in pulmonalem arteriam. Sed fluidorum collisus in vasis totus ita se habet respectu velocitatis eorundem fluidorum, ut, crescente illâ, crescât collisus: aliundè collisui proportionalis est attritus. Ergo illius erit major gradus in thalamo cordis lævo quàm in dextro; & cum illi thalami non sint pulmonum partes, illorum attrituum summa in corde productorum addi poterit illi, quæ in aliis corporis partibus ex causis modò assignatis detegitur. Jam verò majorem esse in ventriculo postico quàm in antico attritum probavimus. Hinc naturali prorsus & evidenti consequentiâ majorem fore in aortæ quàm in pulmonalis arteriæ aditu concludere pronum est.

Peractis jam luce clarioribus argumentis, superest ut de arteriæ tum pulmonalis, tum aortæ diametro, de utriusque divisionibus ab ipsâmet origine desumptis, tandem de posterioris elasticitate comparatâ cum debilitate prioris differamus, quæ quidem debilitas non parvâ ex parte alterno respirationis motu reparatur, undè aliqua emergit compensatio, nostro tamen judicio nullum pariens effectum, nisi, qui ex eo jam oritur, quòd aortæ ipsiusque divisionum elasticitas longè arteriæ pulmonalis ipsiusque divisionum elaterium exsuperet. Huc etiam accedit ossium resistentia quæ ambiunt arteriæ innumerabiles ac propè infinitæ, undè novus suboritur attritus gradus; quia scilicèt reactione majori arteriarum tunica quæ ibi occurrunt, fit, ut fluidum, quod in sinu suo foveat, tantum saltem conteratur, quantum in pulmonibus. Quo posito, 1^o. constat aortæ diametrum esse ad minimum pulmonalis arteriæ diametro parem. Duo enim receptacula quæ illis vasis liquorem suppeditant, non solum illis ipsis, sed etiâ partibus ad quas mittunt debent esse proportionata; & cum major sit in toto corpore quàm in pulmonibus *soliditas*, tantum igitur sanguinis ex ventriculo lævo saltè debet protrudi, quantum in dextro continetur. Undè jure ac meritò illorum cordis sinuum æqualitatis rationem deducemus.

29. Ad aortæ divisiones pulmonalis arteriæ divisionibus æquiparatas, attendamus. Pulmonalis arteria ex ipso propè fonte in duos ramos partitur quorum alter ad dextrum, alter ad sinistrum lobum pergit. Illi autem rami in alios. & hi in alteros dividuntur per ramificationes ferè æquales bronchialibus ramulis, quorum directiones confectantur. Ibi, aorta è thalamo lævo sobolescent duabus coronariis, moxque incurvata immediatè simul & mediatè carotidibus, subclaviis & vertebralibus natales præbet. Sed ad notionem utriusque arteriæ divisionum viâ procedamus minis gravi & molestâ, quàm si singulas arterias unam post aliam enumeremus. Hæc autem viâ ex sphaeræ ad cylindrum inscriptæ ratione repetetur.

Singuli coccinei laticis globuli diameter millesimam pollicis partem adæquare nequit. Supponamus vascula quibus coarctantur illi globuli esse ad diametrum ipsorummet globulorum prout 3 ad 2 : area cujusque vasculi erit ad arcam circuli majoris globuli ut 9. 4. In eo nituntur illæ rationes, quòd sphaeræ se habeat respectu cylindri circumscripti, prout 2. 3 *proportionantur*, id est, sphaerâ æquat bis tertiam cylindri partem qui communem cum sphaerâ diametrum habet, seu geometricè, cylindrus sphaeræ circumscriptus, ejusdem sphaeræ respectu, est in ratione *sesquialterâ*. Sed globulus est sphaera, vasculum cylindrus, & ratio 9. 4 sufficere videtur, ut illa vascula, quantum necesse est, habeant capacitatis. Ex istâ comparatione sanguiferorum vasculorum numerus potest esse major quàm 108 in unius pollicis superficie. Statuamus ergo 108 vascula parallelè posita pollicis cubici superficiem constituere, jam in totâ pollicis superficie 11664 erunt vascula : infinitum sanè vasorum numerum ! Attendenti autem faciliè innotescet multò plura esse, & in unâ tantum pollicis superficie plusquàm 50000 posse numerari. Illa tamen vascula sunt crassiora atque ampliora respectu illorum quæ propter exilitatem oculorum aciem fugiunt ; infinita numero sunt alia vascula quæ centenam priorum partem non efficiant ; si quis in dubium revocaverit sibi met ipsi proponat stupendas Leeuwenhockii observationes qui 125000 vasculorum perspirantium, sub uno sabuli grano, latitare posse affirmavit. Illam observationem aliquo saltem dubio involutam omittamus. Vasculorum numerum quem ad minimùm continere potest pollex cubicus, desumpsimus. Ille numerus = 11664. corpus tanquam cylindrum spectavimus cujus soliditas = 2808 pol. cub. Si ergo 11664×2808 , jam exorientur 32752512 vasculorum sanguiferorum in cylindri *soliditate* inclusi. Pulmonum *soliditas* ad 493 pol. cub. extenditur ; quâpropter 11664×493 , productum erit 5750352, quo ex 32752512 detracto, 27002160 vasculorum remanebunt plus quàm in pulmonibus. At verò ramificationes arteriæ pulmonalis numero præstant venis, è contrâ in aliis corporis partibus. His perpenfis, numerus arteriarum pulmonalium per numerum 2 exprimatür venarum autem per 1, quandoquidem adversarii objicere possint quod ex alterno respirationis motu attritum in illis venis experiatur sanguis, illas habebimus

habebimus tanquam arterialia vasa, quæ quidem suppositio opinioni contrariæ maximè favet: imò numerus vasorum sit bis teria pars vasorum sanguiferorum totius corporis; supererunt 10917504 vasorum. Divisiones ergo aortæ longè plures erunt quàm arteriæ pulmonalis.

3°. Arteria pulmonalis aortâ debilior est. Vas illud oculis subiectum, digitisque contrectatum ne minimam quidem dubii nubeculam de veritate illius propositionis relinquit. Quæ cum ita sint, omnia quotquot ex arteriâ pulmonali fortientur vasa, illam debilitatem eò magis crescentem, quò plures evadent divisiones, mutuentur necesse est. Aorta firmior in illos resolvitur ramos & ramulos, nullam cum divisionibus arteriæ pulmonalis, quoad vim & elasticitatem, passuros comparisonem; & cum corporis actio in aliud sit ratione illius à quo motum accepit, ventriculo cordis postico, utpotè antico validiore spectato, cruor aortam & ipsiusmet divisiones permeans majori nisu in parietes ipsas distensurus ager. Sed reactio vi distendenti *proportionatur*, eademque elaterio corporis reagentis. Ergo cum sit major aortæ ipsiusque furculorum elasticitas, magis in illâ, quàm in arteriâ pulmonali conteretur sanguis: idem est de illarum divisionibus: aliundè ventriculi æquales æqualem coccinei laticis quantitatem continent. Pars igitur sanguinis in aortam influens atteretur magis, quàm quæ pulmones subit. Tandem cum attritus sit superficiei *soliditatisque* proportionalis, cumque superficies & *soliditas* major sit in cæteris partibus, ac præterea actio muscularis in vasculis novum attritus gradum sanguini impertiat: si elasticitati vasorum illa jungatur attritus accessio nova, tunc omnes causæ, de quibus jam verba fecimus, ultimæ illæ additæ, aeris effectum æquiparare poterunt. Liqueat jam ex dictis sanguinem in aliis corporis partibus æqualiter ad minus comminui, ac in pulmone, & ut nostræ opinioni accedat nova lux, effectus in coccineum laticem in aortâ semel admissum, perpendamus.

Duo in sanguine deprehenduntur motus, progressionis nempe, & rotationis. Per rotationis motum pars illius crassior vi centrifugâ in arterias quæ ab arcu aortæ ducunt originem, protrudetur. Vertebrales arteriæ, ut jam dixi, ex aortâ mediatum mutantur ortum. Sanguis igitur illas pervadens quâdam tenacitate gaudebit. Jam verò tunicarum reactione, mediantibusque ossibus obicibus qui vertebralium itineri opponuntur, vis quâ allidetur fluidum sanguineum illarum parietes à centro removendo, attritus gradum obicibus ossibus debitum subministrabit. Hinc videre est, quòd sic multiplicatis illis basibus, ferè eadem ubique proportionem conteratur sanguis.

V.

DUAS admisimus circulationis species, alteram quæ in pulmonibus; alteram quæ in cæteris corporis partibus conficitur. A ventriculo cordis antico majorem sanguini impulsione communicari contendunt adversarii; quæ quidem impulsio gratis asserta, eo scilicet innititur fundamento, quod varia sit sanguinis velocitas in duobus ventriculis, quâ de re sic differit

Hallerus. *Cum sanguinis tantum per pulmones transeat in dato tempore, quantum per universum corpus humanum, sequitur, ut sanguis per pulmonem in eadem ratione fluat celerius quàm ipse pulmo minor est.* (b) At assertio illa, quæ apud plurimos adagii jure gaudet, nullatenus solidæ experimentorum basi incumbit; attentione enim factâ ad pulmonum, aliarumque corporis partium, certum est fieri non posse ut sanguinis tantum per pulmones transeat in dato tempore quantum per universum corpus humanum. Præterea in hac hypothesi necesse foret, ut motus sanguinis per pulmones lentior, & ille motus proportionaretur diminutioni velocitatis quam cruori, juxta Boerhaavii mentem, communicat illud viscus. Etenim Hallerus ipse videtur hypothesi Boerhaavienæ non satis confidere. *Unum, inquit, superest an velocius trajicitur sanguis per Pulmones?* videtur etiam lentius trajici, quia sanguis per corpus trajectus, viam multò majorem eodem tempore absolvit (c). Nunc alterius difficultatis nodum expediamus.

(b) Prælect.
Acad. Albert.
Haller. in
Instit. Med.
Boerha. vol.
II. p. 169.

(c) Prælect.
Acad. vol. II.
p. 230.

Ex praxi depromitur illa. *In pulmonibus attritus major sit quàm in ullâ aliâ parte corporis humani, quia eodem tempore pulmo eandem copiam sanguinis recipit, quàm corpus humanum habet. Inde fit, ut pulmone eroso, labefactato, diminuto, non expansibili, sanguinis densitas atque soliditas mirè frangantur: ita in phthisi, sanguis neque solidus manet, neque chilus redditur indigena, sed attenuatur adeo sanguis, ut sudoris specie per poros emanare queat.* (d) Id fatebimur morbo vigente; si verò magna pulmonis pars, vomica premente, excreetur, post conglutinatum vulnus, sanguis æquè floridus erit ac in homine pulmonibus intacto. In phthisicis ad dissolutionem vergit sanguis: chilus fractis pulmonum viribus vix subactus corporis damna instaurare nequit. Tandem colliquefcit ita sanguis ut sudore diffuant phthisicorum corpora. Atqui hæc omnia, inquit, attritus defectum arguunt. Ut objectio illa irrita cadat, tela, quibus eam diruamus in ipso Hallerii armamentario queramus. *Ceterum non possum non addere ex phthisi purulentâ viscerum, ut in ulcere renis nupèr vidi tristi exemplo, deinde in suppurationibus majoribus post ulcera, maciem tabemque eadem ratione consequi, uti sequitur pulmonum ulcus, & videri dissolutionem sanguinis in phthisicis ex non minima parte fieri ab ipsâ acrimoniâ puris* (e). Quid enim in peripneumoniâ suppuratione confectâ evenit? obstructionis materies in loco obstructo hærens, ob moram caloremque loci depravatur, & quemdam fermentationis motum subit. Ex illâ fermentatione intestinâ novum corpus, puris nomine, emergit. Ob longas quas nescit moras, acrimoniâ putrefactionis gradus nunciâ corripitur. Pus ergo putredinis indolem induens, illam unduositatem, balsamicum lentorem cremorem lactis æmulantem amittit, aque in tenue ichorosum fluidum mutatur. Hanc verò tenuitatem à putridine auctam semper comitatur major acrimonia. Spongiosam pulmonum substantiam depascitur puris causticitas. Igitur si talem humorem eruant pulmones, protinus resorbetur: tuncque putido liquamine contaminatur humorum massa; coccinei laticis principia dissociantur; polluitur secretionum materies; succi gastrici, pancreatici & bilis abolentur vires; vitiatur digestio; nutritivus ex alimentis liquor extractus,

(d) Prælect.
Acad. vol. II.
p. 222.

(e) Boer.
aph. Pract.
1210, & Sy-
denham. p.
m. 523. Edit.
Lips.

vix enatus, adulteratur; insincerus ille chilus cor & exinde pulmones fubiens, in maiorem corruptelam abit, & ad nutritionem inhabilis evadit. Nutritione suspensâ, instat marasmus; sudores alvique profluvium eodem incedunt gressu; vires exolvuntur: & exolutis extinguitur flamma vitalis.

Urgebunt adversarii: nulliusne momenti aeris actio in vascula quibus constat pulmo? num aer, quando thoracis cavum subit, pondere suo totam vasorum sanguineorum compagem fortiter premit, sicque moleculas chili alias aliis impingens prædictæ sex globulorum lymphaticorum unioni favet? Num aer quemdam caloris gradum expertus expanditur, expansioneque elasticâ sanguinem validius everberabit? ut argumentum illud herculeo feriret istu, necesse foret ut totius corporis peripheriæ non incumberet idem aeris circumfusi pondus. Quis enim contenderet ab aere externam corporis superficiem ambiente debilius premi vasa, quàm ab aere vires suas in pulmonalibus vasis exerente? quoad rarefactionem, parva videbitur illius efficacia, si attendatur quàm innumeræ concurrant attritus causæ in cæteris corporis partibus quas in pulmone non reperies. Undè fas concludere

Ergo vis pulmonis, quoad sanguinis attritum, non major, quàm cæterarum in eundem effectum corporis partium conspiratio.

DOMINI DOCTORES DISPUTATURI

- | | | |
|---|---|--|
| M. Augustinus ROUX,
Regiæ Societatis rei
Agrariæ, necnon Regiæ
Scientiarum Academiæ
Burdigalensis Socius. | M. Petrus-Joannes-Clau-
dius MAUDUYT
DE LA VARENNE. | M. Joannes - Stephanus
GUETTARD, Re-
giarum Academicarum
Parisiensis, Ruppellen-
sis, Florentinæ & Sto-
kolmiensis Socius, Cen-
sor Regius & Historiæ
naturalis Mûsæi Sereniss.
Ducis Aurelianensis
Custos. |
| M. Achilles - Guillelmus
LE BEGUE DE
PRESLE, Eques &
Censor Regius. | M. Stephanus
D'HUAUME. | M. Natalis-Maria DE
GEVIGLAND,
Regiorum in Germania
Ducum & Militum No-
socomiorum nuper Me-
dicus. |
| M. Cesar COSTE, Cen-
sor Regius. | M. Josephus DUSSANS. | M. Franciscus-David
HERISSANT, Re-
giæ Scientiarum Aca-
demiæ, Regiæque So-
cietatis Londinensis So-
cius. |

Proponebat Parisiis ANTONIUS-JOANNES-BAPTISTA - MACLOVIUS
GUENET, Rothomagensis, Saluberrimæ Facultatis Medicinæ Parisiensis
Baccalaureus, Theses Auctor. A. R. S. H. 1765. A SEXTA AD MERIDIEM.

Typis F. A. QUILLAU, Universitatis & Facultatis Med. Typographi, 1764.

